

# 歐美之社會與日本之社會

日本小林照朗著

## 第一章 東西文明之比較

實慶劉光蓁編譯

### 第一節 東西文明之差異

東西之文明

居今日而言世界之文明。自應分乎東西。學者所公認也。今且不辭淺陋。粗舉東西文明之特徵。以觀東西文明差異之點。於以知世界之文明。爲東西合璧之文明。而東洋之文明。大有不讓西洋之文明者在也。嘗攷歐美社會之發達。極爲自然的。隨自然科學而爲非常之發達。故其文明恒爲物質的文明。反是東洋之文明。爲精神的文明。即印度之佛教可以代表之。而自然科學之發達。則遠在西洋後。無可諱言也。良以太西之文明動。動則一日千里。太東之文明靜。靜則故步自封。在昔雖有並駕齊驅之文明。迄今反與望塵莫及之嘆。豈西人之智而東人之拙歟。夫亦其文明根本上之差異所致而已。

東西文明  
根本上之  
差異

### 第二節 文明之發達

東西文明。既自各有其固有之文明。即各自有其特殊之發達。而此特殊之發達。第

自然民族  
與文明民族文明與地  
理的影響

一因其周圍之影響如何。其次爲人類之歷史上不相融通。各自孤立而發達。凡人類未造文明之境。洪荒之初。穴居野處。茹毛飲血。其生活狀態之卑劣。概可想見。其後漸次發達。以成所謂自然民族者矣。由自然民族。更經若干年代。以成文明民族。是故文明之發達。不外利用自然征服自然而來者。雖然。亦不能不受自然之影響焉。

文明之發達。因周圍之影響。而有不同。即以地理而論。因地理上之差異。其發達機運之趨向。及其程度。有絕大之關係。如熱帶寒帶地方之文明。往往不如溫帶。其發達之也。必自溫帶而浸入。良以熱帶地方。物產豐足。無待耕而食。無待織而衣。且溫度太高。炎熱逼人。於是一般居民。勤勞者少。而偷惰者多。反是寒帶地方。天然之物產極少。其人民除維持其生活外。毫無餘裕。亦無所事事。此文明之發達。所以不易也。至於溫帶。土地肥沃。生產富饒。是其特色。且也氣候溫和。身體快活。勞動甚適。文明之發達。恒自溫帶而起也。不亦宜哉。要而言之。酷熱之天。使人精神昏沈。欲與天然力相爭。而不可得。嚴寒之地。使人精神顛顛。與天然力相抵太劇。而更無餘力以

及其他。熱帶之人得衣食甚易而不思進取。寒帶之人得衣食太難而不能進取。惟溫帶有四時之變通。有寒暑之代謝。苟非努力則不足以自給。苟能努力必能得其報酬。故文明之發達多自溫帶而來。非偶然也。

地理之影響於文明。既如是重且大矣。故其於社會之組織亦有密切之關係。例如寒帶之民終歲勤勩。僅能養其體膚。食其妻子。而於子弟之教育無餘力矣。故下流社會多見於寒帶。反是所謂上流社會或富裕社會多在熱帶。如印度熱帶也。其人類色慾之發達甚早。因之其結婚早。同時關於上流社會富裕社會各方面之特殊發達亦莫不早。而於勤勞服務之習慣亦因以缺乏。至於溫帶自食其力。尚得以其餘裕教育其子弟。或自己之修養。故中流社會恒發達於溫帶。而論社會之組織中流社會最爲健全之社會。故一國中無中流社會是爲不健全之國家。斯無發達之希望。甚或至於滅亡。曾聞朝鮮無中流社會之國也。然則中流社會之影響於國家豈不至鉅也乎。

### 第三節 東洋文明

東洋文明之中。最古者爲印度之文明。印度之文明。純粹爲宗教的哲學的特別之發達。所謂精神的文明。實言之。即佛教之文明是也。故西洋學者多以東方亞細亞之歷史。即佛教之歷史。以佛教之歷史。即東洋之歷史也。或謂印度民族。絕少歷史時代之觀念。因之關於其國之沿革。不甚注意。紀錄亦多不備。其考年代。惟妄以大概的數量而推測之。即彼有名之釋迦年代。今日已有五十餘說之多。印度人者。實爲考究年代之國民。毋怪乎文明之發達。關於國家的社會的極少。而蹈乎玄妙之理想者多也。是爲印度文明之特徵。亦即爲不具之文明。雖然。其幽靈玄妙之思想。極其發達。亦不可不謂精神方面極端發達之國民也已。

次爲中國之文明。中國之文明。既於四千年前。於文學、歷史、哲學方面。大放光彩。無待言矣。惟以民性富於保守。尊形式而簿實際。重守舊而輕維新。所謂祖述堯舜。憲章文武。一步一趨。亦不敢出乎先王之道以外。而所謂政治、經濟、法制、倫理、等學問。遂視歐西各國有望塵莫及之嘆矣。無亦過於保守之所致歟。然而英國不以善保守聞於天下者乎。而萬國進步之神速。殆莫英若。又安見保守之必爲羣害也。昔梁